





授經堂重刊遺集目錄

年譜一卷

行狀表傳墓誌銘遺事述九篇附

卷施閣文甲集十卷

補遺一卷

文乙集八卷

續編一卷

詩集二十卷

更生齋文甲集四卷

文乙集四卷

續集二卷

詩集八卷

詩續集十卷

附鮎軒詩集八卷

冰天雪窖詞一卷

機聲鐙影詞一卷

兩晉南北史樂府二卷

唐宋小樂府一卷

北江詩話六卷

曉讀書齋雜錄八卷

傳經表二卷

通經表二卷

六書轉注錄十卷

弟子職箋釋一卷

史目表二卷附

春秋左傳詁二十卷 漢魏音四卷 比雅十卷

乾隆府廳州縣圖志五十卷 補三國疆域志二卷

東晉疆域志四卷 十六國疆域志十六卷

伊犁日記一卷 天山客話一卷 外家紀聞一卷

以上共二百二十二卷光緒丁丑四月開雕迄己卯

閏三月工竣其未刊書集另具目錄購獲另梓

曾孫用勲校字重刊

孫壻湯似瑄覆校

元孫士

龍麟

同校

外元孫劉籌

授經堂未刊書目

毛詩天文考 公毅古義二卷 四史發伏十二卷 後

漢書補注 侯氏康後漢書補注續序云昔洪稚存編修嘗取水經注國志班書增益惠君棟凡數十事

兩漢同姓名錄 宋書音義 西夏國志十六卷 宋元

通鑑地理通釋 是書成於助畢氏沅成績資治通鑑時 甯國府志 懷慶府

志 延安府志 涇縣志 登封縣志 固始縣志 澄

城縣志 涪化縣志 長武縣志

以上互見年譜序錄及自序暨墓表中除郡邑志外均

未見刊本兵燹之後燬佚莫覩海內藏書家如有鈔錄

副本伏求郵示俾登棗梨用永先緒

史目表二卷 已重刊 續漢書藝文志 三國職官表 毘陵



經籍志 世本輯補曾為秦嘉謨借刻 隋書經籍志考證 漢書

地里志考證 青埭山人詩集八卷

以上為 先大父孟慈先生著述搜羅未備待刊

禹貢地名疏證 齊雲山館文甲乙集各四卷 詩集十二

卷曾刊於中州板已燬失 禹州志 鄆陵縣志 河內縣志助袁氏通分纂

以上為 從祖幼懷先生著述

戰國地名備考 補梁置域志前有刊本被燬 涓則齋駢體文三

十六篇內多半為湯氏成彥易名借刻 詩集八卷

以上為 從祖子齡先生著述

鳩鵲館詩文稿二本係 先伯兄彥先先生著述

光緒五年四月陽湖洪用勳謹輯錄

洪北江先生遺集序

自古文章之士未有不本於經術司馬相如楊子雲皆西漢文士而相如凡將篇有功小學子雲則訓纂方言長於古訓大元之作合於卦氣是經術文章未嘗歧而二之也至范史始分儒林文苑爲二自是以後治樸學者拾鄭孔之餘唾驚詞華者獵齊梁之浮豔經術文章歧而爲二而學問之事亦少衰矣我

朝正學昌明人文蔚起江南尤其淵藪儒林文苑代有其人乾嘉間諸老輩各樹壇坫後先相望而常州之學尤甲海內如張氏惠言之治鄭虞易劉氏逢祿之治公羊春秋皆卓然一家之言也然文章經術二者難兼開諸家之先

而兼擅其勝者其洪北江先生乎先生少孤力學自爲諸生時其詩文已風行海內及居朱竹君學使幕府與邵二雲王伯申諸先生交乃更從事諸經正義及說文玉篇之學而詩文益日以進已而入玉堂直

三天奉使黔中觀山川之雄秀覽人物之瑰奇詩文益恣肆有奇氣嘉慶初先生上成邸書極言時事直聲動天

下

仁廟嘉其愚直遣戍才百日卽

手詔釋歸自此優游家術研精饌述所著凡二百六十餘卷詩文集外有春秋左傳詁公穀古義六書轉注錄補三國等疆域志及乾隆府廳州縣圖志諸書蓋先生於聲音



訓詁及古今地理之學尤所長也統觀先生之書洵乎經術文章兩擅其勝者矣然全書未盡刊行其已刊版者又以粵賊之亂焚燬海內承學之士以不得見先生之書爲恨先生曾孫彥哲大令議先以詩文集在鄂刊刻以衍先澤而惠來學昌黎云固宜長有人文文章紹編刻其大令之謂乎余素與大令交樂觀厥成不揣僭妄書數語於簡端并望此後踵而成之其從前已刊諸種次第補刊卽從前所未刊如公穀古義比雅四史發伏之類亦蒐訪得之付諸剞劂傳播藝林則尤海內學者所引領企望者也

光緒三年歲次丁丑秋八月蘇完恩錫書於蘇州藩署之



民四堂

武節為平茲宋王在楚天

諸臨臨軒翻楚林限大



視本同岐公隸古壽壯報四

我夢世并戰面如之其跡前

臨世年乘與夫命交陳購想

觀而也來學詩藝三國宜具

別表於會蘇查言大命精夫

以學知文斯其勉而內外學

濟交章兩是其韻音矣蘇金

問出必古今服履志學衣世

洪北江先生乾嘉間負盛名少嘗讀其卷施閣集沈博絕  
麗有萬殊之體而尤以志行氣節爲儒林引重劉彥和所  
謂英華出于性情其素所蓄積然也蓋先生少孤貧乏無  
以自存常徒步數十里負笈從師苦無書懷餅就抄窮年  
不倦稍壯設塾教弟子所得館穀至微用以養生送死愈  
益困厄而先生傲岸無愁色處之泊如也晚歲始登上第  
當軸奇其才名震輦轂方嚮用以上書言事一蹶不復振  
遣戍伊犁冰天雪窖之中嘗手一編歌聲淵淵若出金石  
于經通小學于史通地理學經術詞術並登峰而造其極  
吳山尊序其文謂朴質若中郎適宕若參軍肅穆若燕公  
信哉傳世者極夥已風行海內家有其書兵燹後舊板都



燬今其後裔耕娛搜羅遺佚將次付手民乞言於余余不  
文何足以知先生顧念與耕娛交垂廿載憶從戎汝南時  
耕娛亦在營次每磨盾作書申昏颯颯千言立就知善承  
先世之學而無替家風者不朽之業得賢子孫而益彰先  
生雖數奇未爲不遇也然則世之人其毋汲汲於一日之  
名也光緒四年固始後學吳元炳謹序

洪北江先生年譜

門人旌德呂培等同編次

先生姓洪氏諱亮吉字君直一字稚存號北江晚號更生行一江蘇常州府陽湖縣左廂花橋里人先世本居歙縣洪坑系出唐宣歙觀察使經綸始避唐敬宗諱改宏氏爲洪氏三十六世至先生高祖千運府君諱德健國子監生封中憲大夫娶程恭人生子二長爲先生曾祖秋山府君諱璟康熙戊寅拔貢生山西大同知府崇祀交城大同名宦祠娶汪恭人歙國子監生世昌女繼娶徐恭人歙處士成教女生子十一次爲先生祖封旅府君諱公案國子監生考授直隸州同知贈承德郎



贅於常州趙氏遂遷居焉娶趙安人武進戶部尙書諡  
恭毅申喬孫女翰林院侍讀熊詔女生子五次爲先生  
父午峰府君諱翹國子監生累贈奉直大夫娶蔣太宜  
人武進歲貢生封奉政大夫金聲孫女雲南嶧峨知縣  
數涪女生先生兄弟二人

乾隆十一年丙寅先生一歲以九月初三日子時生於常  
州中河橋東南興隆里賃宅中宅後有積水池先生生  
於池南西舍

十二年丁卯先生二歲

十三年戊辰先生三歲

十四年己巳先生四歲午峰府君命先生伯姊課之識字

先生每字必詢其義日晚皆爲蔣太宜人述之是年凡識七八百字

十五年庚午先生五歲在家塾從季父希李先生受禮記大學中庸兩篇正月八日仲弟靄吉生

按先生從父四人長諱翰字翮飛行一國子監生未婚卒次卽午峰府君次諱翔字雲上行三次諱翱字君佐行四國子監生贈修職郎次諱翱字希李行六先生仲弟字赤存行二

十六年辛未先生六歲在家塾受論語七月二十日午峰府君客鎮洋縣署得疾歸未至家五十里以廿四日申時卒於洛社舟次越日殯於城東天甯寺華房先生隨



蔣太宜人暨三姊一弟守殯宮凡五十日始歸

十七年壬申先生七歲以午峰府君卒貧無所依隨蔣太  
宜人及姊弟寄居外家外王母龔太孺人之意也時外  
家亦窘蔣太宜人率諸女勤女工自給并儲修脯俾先  
生就外家塾受經率夜四鼓方就寢事詳機聲燈影圖  
記及南樓憶舊詩是歲塾師爲莊覲五先生城西坂上  
鄉人同學則其子駢剛表兄肇新廷耀馨凡四人讀論  
語畢

十八年癸酉先生八歲在外家塾從惲牧菴先生銘受孟  
子惲先生武進縣學附生憫先生幼孤而慧常分館餐  
食之後其孫與三以乾隆甲午科舉順天鄉試爲先生

同歲生惲先生猶及見之

十九年甲戌先生九歲在外家塾從黃敬菴先生朝俊受  
孟子及毛詩國風黃先生武進縣學增生課讀極嚴是  
秋先生適楊氏從母亦以嫠居貧苦無依率二女僦從  
兄啟宸後樓以居與外家相近移舍日值先生讀孟子  
旣醉以酒一章解塾詣其處龔太孺人及蔣太宜人適  
在坐因舉宐其室家句命之屬對卽應聲曰飽乎仁義  
龔太孺人極賞之自此益鍾愛焉是歲表弟定熙亦入  
塾與先生年相若後卒於叔素園先生官舍先生有詩  
哭之

按先生舅氏三人長名樹誠字實君國子監生贈登



仕郎次名琦字素園乾隆甲子舉人江西德興知縣  
皆蔣太宜人兄次名蘅字曙齋乾隆壬午科副榜貢  
生 賜檢討銜出嗣世父淮安教授文元後爲蔣  
太宜人弟事皆詳先生所撰外家記聞一卷處士肇  
新少府廷耀上舍馨處士定熙奎耀皆實君先生子  
蔣太宜人之姪先生之配蔣宜人兄弟也

二十年乙亥先生十歲在外家塾從黃先生受毛詩畢  
二十一年丙子先生十一歲蔣太宜人率先生歸興隆里  
舊宅從旁舍塾師受尙書同學生徒十餘人不能徧課  
每篇音訓譌者恆至十數日夕歸蔣太宜人令之背誦  
必爲泣而正焉如濟河惟兗州兗讀作袞之類九月八